

آبونه شرائطی : هریر ایچون
سنه لکی (۲۷۵) آلتی آیلنی
(۱۵۰) خارج ایچون سنه لکی
۳۲۵ غروشدور .

نسخه بی ۵ غروشدور .
ایکی نسخه برآراده
(۱۰) غروشدور .
سنه لکی ۵۲ عددور .

اداره خانه : باب عالی جاده سنده
رشید افندی خاتمه

اخطارات
آبونه بدلی پشیندر .

مسلكه موافق آثار مع المنونیه
قبول اولنور . درج ایدله بن
یازیر اعاده اولنماز .

تذکره

۱۳۳۰

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

آدره من تبدیلنه ایریجه
۵ غروش کوندرملیدر .

مکتوبلرک امضاری واضح
و او قوناقلی اولسی و آبونه
صره نومروسی محتوی
بولوغسی لازمدر

ممالک اجنبیه ایچون آبونه
اولانلرک آدرسلرینک
فرانسه یازلسی رجا اولنور .

یاره کوندرلدیکی زمان نهیه
دائر اولدینی بیلدیرلسی
رجا اولنور

اتبعون اهدکم سبیل ارشاد

مجاز مشرعی

بر قاج هفتهدر مهاديا شريف (حسين) ك انكتره ايله بر معاهده عقد ايتك و بو معاهده پروژه سنك اماكن مقدسه اسلاميه بي انكتر جهايه سي آلتنه قويمق كبي بر تهلكي تحققي ايتديرمك اوزره بولونديغي يازيورد. ينه بر قاج هفتهدر مصر مطبوعاتك بو حركته قارشى آچيدينى مجادله دن بحث ايتكده يز. شريف (حسين) ك مسلمانلغه قارشى بك ليجيع برخياتى تضمن ايدن بو حركتى مصر مطبوعاتك هر كون ، هر مسئله يه تقديماً مشغول اولدينى مسئله در . مع مافيه بومسئله ايله اشتغال مصر مطبوعاتك انحصار ايتمه يور ، هندستان افكار عموميه اسلاميه سنك دم شريف (حسين) قارشى عيني حسياتي پرورده ايتديكي آكلاشيلور . صوك بوسته ايله كان هند مطبوعاتى هب بومسئله ايله مشغولدر . هندستان مسلمانلرينك حسياتنه تر جان اولان هند خلافت جمعيت مركزيه سي (ناغبور) شهرنده عقدايتديكي بر اجتماعيه مقررات آتیه يي اتخاذ ايتمشدر :

« هندستان خلافت جمعيتى شريف حسين طرفدن پروژه سي نشر اولونان و عرب استقلالنى تحققي ايتديردىكي اعلان ايديلن (انكتره - مجاز) معاهده سنك فى الحقيقه عربستان ايله عرب ملتلك استقلالنى يقديفى ، اماكن مقدسه اسلاميه قارشى و خيم بر تجاوز تشكيل ايلديكى و بوتون اسلام عالمك مطالب دينيه سنى صورت قطميه ده رد ماهيتنده اولديغى كورمشدر . بناء عليه خلافت جمعيتى هيئت مركزيه سي هندستان مسلمانلرى نامنه مقررات آتیه يي اتخاذ ايتمشدر :

- ۱ - جزيرة العرب هر درلو مراقبه اجنيه دن مصونيتى او قدر مهم بر مسئله اسلاميه در كه ير يوزنده كي بوتون مسلمانلر بو خصوصه متحددر . بو مصونيت تأمين اولونمازسه ، اوامر دينيه توفيقاً مسلمانلر هر درلو وسائله مراجعتله بونى تأمين ايدنجيه قدر مجادله ايدمك كورد .
- ۲ - جزيرة العرب مستقلدر .

هندستان مسلمانلرى جزيرة العرب استقلالنى انكتره ويا باشقه بر دولت طرفدن طائفه محتاج اولاديغى قناعتنده درلر .

- ۳ - تعاليم اسلاميه نظرأ جزيرة العرب ير يوزنده كي بوتون مسلمانلر دينى مركزي اولقى اعتباريله محترمدر . دينك اركانندن اولان فريضه حج اوراده ايضا اولونمقده در . بناء عليه شريف حسين ، يا خود ديكر هر هانگى بر كيمسه جزيرة العربك وضعت سياسيه سنى متأثر ايدمك هيچ بر مقاوله عقد ايدم . بويه بر مقاوله عقدى كافه اهل اسلامك غير قابل اخلاص حقوقنه بر تجاوز تشكيل ايدمك كندن كان لم يكن عد اولونور . خلافت جمعيت مركزيه سي اسلام نامنه عرب ملتته مراجعتله اسلامك شرفى مدافعه و اماكن اسلاميه ك حريقتى صيانت ايتمه لرينى ، بر قاج حريص و خود كام آدمك كينى اوغورنده بوتون اسلام عالمك شرف وحيثيتنى فدا ايتمه لرينى طلب ايدر . »

هندستان مجاهدلرى قورتولور

(بومباي) ده انتشار ايدن (ده بلى قرونيقل) غزته سنده او قودينمزه نظرأ تقریباً ابكى سنه مقدم هندستان اردوسنى عصيان تشويق ايتك و تور كيا ايله بر محاربه وقوع بولديغى قديرده مسلمانلره قارشى حريدن امتناع ايتك همچون هندستان علماسندن بر قواى شريفه استحصال ايتك تهمتيله محاكمه اولونوب ايكي شهر سنه حبسه محكوم اولان

هندستان اكابر رجال اسلاميه سنك وقت خلاصى تقرب ايتمشدر . بونلر مياننده بولسان (محمد على) ، دوقتور (سيف الدين كيجلو) اغستوس مباديسنده ، مولانا (نصار احمد) ۴ كانون اولده ، (پير غلام مجدد) تموز نهايتنده تحليه اولونا جقدر . مولانا (شوكت على) ايله مولانا (حسين احمد صاحب) ك نه زمان تحليه اولونا جقدرى هنوز معلوم دكلدر .

دعواى اسلام اوغورنده فداكارانه چاليشان و هر درلو مشقت واذابى كوزه آلان رجال اسلاميه نك ظلم زندانلردن قورتولار ق تكرار مجاهده صحنه سنده عودتلى بوتون مسلمانلرى - بوينديره جك بر حادته در .

آغا خانك بيانامه سي

انكيزجه غرته لده او قونديغنه نظرأ هندستان رؤساندن آغا خان عالم اسلامه خطاباً بر بيانامه نشر ايتمشدر . آغا خان بو بيانامه سنده صلحمزى تقدير و بالخاصه توركيانك بعدما غرب دولتريله ابى كينمك ايسته ديكندن بحث ايله مسلمانلر توركي ايله فرانسه و انكتره مناسباتى اخلاص ايدمك حركتده بولونما لرينى توصيه ايتكدن باشقه بعدما توركياده چوجوقلرى قورتارمق و احوال صميميه يي اصلاح ايدمك يارديم لده بولونما لرينى توصيه ايدسيور .

آغا خانك ، مسلمانلر يكديكرينه يارديم ايتمه سنده دائر اولان توصيه لرينه برشى دينمز . فقط معلوم اولديغى اوزره ، آغا خان (اسمايلىه) مذهبنك رئيس روحانيدير . بو اعتبار ايله اهل سنتله آره سنده بر اوچوروم واددر . بو اوچورومك اك آشكار تجليلرندن برى آغا خانك حالا اسكى ذهنيته ، استقلال و حریت مفكورمه سيله طبان طبان ضد اولان اجانبه صداقت ذهنيته بولونديغى آكلاشيلسي در . بوندن طولاي آغا خان كيمك حسابنه بايدى آشكار اولان بو پروپاگاندا ده موفق اولمايه جقدر .

« بوكون بوتون اقوام اسلاميه استقلاله تشنه در . باشقه لرينك اسهرى اولقندن ييقمش ، اوصاعمشدر . مسلمانلر هدف مجاهداتى اسارت زنجيرلرينى قيرمق در . توركيانك شرفلى بر صلح عقدايتسى ، استقلال و حريقتى تأمين ايتمش اولماسى باشقه اقوام اسلاميه نك اسارتده باشما لرينى هيچ بر وجهه ايجاب ايتمز . بالعكس سائر اسلام ملتلى توركيانك بوموقيتنى رهبر طائيفه رق اولورده عيني غايه يي تحققي ايتديرمك چاليشه جقدر و بوسورتله اسلام عالمى قورتولا جقدر .

آغا خانك بوكي پروپاگاندا له آلت ايديلنى يي برشى دكلدر . مومى ايله بالقان محاربه سي ائناسنده ده بويه بر طاقم مناسبتر حاللرده بولونديغندن هندستانده مدهش بر سقوطه اوغرامشدى . ينه عيني مقابله يي كوره جكي شبهه سزدر . بناء عليه آغا خانك بوتون اسلام مرا كزينه كوندردى سويله نيلن بيانامه سي هيچ بر تأثير يايجه جق ، بالعكس مسلمانلر روح مجاهده سنده قارشى ترتيب اولونان سوء قصدير اكلاشيله رق او كا كوره تدابير لازمه اتخاذ اولونا جقدر . مع مافيه يابانچيلره آلت اولغه نزل ايدنلر ك الحق روح اسلامدن بك اوزاقلان آدلر اولدقلى ك كوره رك منسل اولويورز .